

ادبیات عمومی و سیاسی

هفته‌لق سیاسی، ادبی و علمی غزته‌در.

جلد : ۱

سنه : ۱ ۱۹ ربیع الاول ۱۳۳۵ جمعه ایرتسی ۳۱ کانون اول ۱۳۳۲ نومرو ۱۱

نورعینم افندم حامدم

نخستینه ل ۲۱ کانون اول سنه ۱۹۱۶

بورایه کله‌لی سکا نیچون مکتوب یازمدم . نیچون یازمدم . بیلمیورم . غالباً کندیمی شمدی بیلکه باشلادیغمدن دولایی ! برمدتدنبری بوراده سنکه برابرم . اشتغال، توغلم سنکه! «فینتن» بوراده، مطالعه ایتدم، حالا او قویورم، او قومقلا بیتمز بر کتاب ! کتابه کائنات کی . کتابک سامی، هوای نسیمی، بهاری، شتایی، قصوری، نقصانی وار ! کتابه طبیعت کی . فکری صومدیغ بو کتابکه داثر هرکس کی بنده بر ایکی کله سویلیه حکم .

اثریک تیاترویه نسبتی پک آز . لوندریه عائدیتی ده پک چوق دکل . کزیده شاعر شیخ غالبک باشلارکن یری کوکی بربرینه قاتان حسن وعشق مقدمه قیامت نمونک بردوام متکاملی، ویاخود سراسر ونهایت درجه لیزیک بو کتاب نفی نک بر بیوک قصیده سندر، دهانک بر نظیره سی . Berne سفارته کلان غزته لرك ایچنده او قویوب تکمیلنه وقت بوله مندیغم جناب شهاب الدین نک مطالعه سیده ندیمک - قلبک تشریح طی اجراری مستثنا - دلربا بر غزلی ! اوزرنده قیامت لر قویان بر دکزک دالغه لری فینتنی داوالاجیره نک بولندیغی واپورک کو کرته سنه آتیور . امواج پیانی رسی حادثات اره سنده مجرای امله بو قدر موافق و مصادف بو دالغه غالباً آغوش عاشقانه دن ده آرزوشین ایتمش که واپورک اوزرینه براقیر براقز داوالاجیره دوغری قوشه رق «ایشی» صوریور . معلومیا . اوسترایاده کی قوجه سنی اولدیرمک ایشی . فینتنی بو دریای بی انتهای متموجک ایچندن ایصالیه رق چقمش ظن ایدیوردم . صیرصیقلام دیورسک . اوله من . کیجه لری قعرندن نبعان ایدهرک دکزلرده کزن خیال ، ویا سمانن بیلدیز لریله اینه رک دکزه کیرن لیل ایصالمز .

شکسیر ، و یقتور هوغو، سن تیاتر و پیه سلری کزده بر قنبور ، برجوجه ، نواقص و یازواند خلقت، منکسر و منقرض جسملر ایچنده فریاد ایدر روحلر تصویر ایدیورسکن . فقط اونلرک کده عدم موفقیت خلقت اولان بو مستثنالر آز . سنک کنده چوق ، آهنک عمومی طبیعتی ، وصحت طبیعی خلقتی اخلاص ایدن بو مستثنالرک کثرتی جهتیله ، اثریک بعض یرلری تیاترولقدن چیقارق .

بر Excentricité lyrique اولویور. برده تیاترو کده اک Réels اولسی لازم کلان بر لر محض خیال ایکن کوا کبک مافوقنه چقاجق قدر خیال اولسی لازم کلن بر لر وقایع حقیقه کی تصور! مثلاً مہتابلی بر کیجہده هزارستانده اجسام مایعہ دن عد اولنہ جق ہیئت و قیافتده ، سیماہ واری البسہ اکتسا ایتمش اولور ، عادتا بر جای ضیافتده کیر کی قونوشویور. « عقلی اوصلو » بر بزم الفت! داوالاجیرو ایله فینتنه عائد تماشالر ، عالی! داوالاجیرو! هندستانده کی یانارطاغلوک بو اولاد جبال خصالی ، یکرمنجی عصرک کریمه فاجرہ سی ، لوندرہ نک آفت ناثرہ سی اولان فینتنک او طہ سندنہ کورینیور . بو او طہده ہرشی ذی حیات! یونان الہہ لرینک الہامات عشقندن ، قله ٹوپا ترک اریکہ ابتلا واستیلا سندن ، قادیئلغک جواذب سودا سندن پردہ لره ، قاپولره ، شمعدانلره قدر بوتون اشیا ذی حیات! یتاغک پردہ سی کندی کندینہ آجیلیور . لونئی ، عرفنی کندینی دوشونہ رک ہالایا طاغلوینک اوزہ رندن باقدینی بویتاغک بو ہوشربا ، بو بی پایان اوچورومک کنارندہ باشی دونہ رک سندہ لیور ؛ بو حالده شعشعہ ظفر ایچندہ او طہ یہ کیرن فینتن ، نازنین نوازشر ، روحہ تماش ایدن ترمین ودلنشین ناز و نیازلر ہپ بو قادیئلغک قیویلیجیملری بر وولقانک آتشرینی تارمار اییدیور .

« قپودانک یرندہ یالکز ، بر آواز بلند وحشیانہ ایله بروجہ آتی تغم ایدر : داوالاجیرو عمان ایله یالکز قادینی زمان تغنی ایدن فینتنک او طہ سندن صاحبہ سنہ ، بی بی یہ یالواریر ، نیاز ایدر کن او وحشی ، او مہیب و معظم سندنہ بوتون ہند و سندنک اغلادینی ایشیدیلیور! امین اولکہ طیفلر کچیدندہ تصویر ایتدییک دانتر ، شکسپیرلر ، سعدیلر ، ویقتور ہوغولر کچیدندہ توققلہ دنیاہ کندیلرندن برینک تصویر ایتدیکی بو حالی تماشایہ وقف نظر تقدیر ایدرلر . بویلہ بر ایکی تماشایی استثناییدیلسہ فینتن اشبردن حتی زینندن دہا کوزل دکلی ؛ تکرار او قومق اوزرہ شیمدییک فینتنی قاپیورم . قاپہ ماسہم بنمده مطالعاتم بر کتاب اولہ جق . مکتوبلریکی بویوک بر تأثرلہ مطالعہ ایتدم . بو تأثراتی کلہ جک مکتوبعدہ یازارم .

کوک سنک کرک حرم محترمک صحت و راحتکز کالہ اولدیغنی خبر آلمنی پک آرزو اییدیورم . بیلیم خاطر کدہ می ؟ بن استانبولہ ایکن سن بورایہ کلہلی پک راحت ایدہ مدک ، بر آرزو سیاحت ایت ، دیمشردی . دیدیکک کی بورایہ کلہلی صحتجہ جوق استفادہ ایتدم . فقط سزی و کندیسنی کندیسنہ لایق صورتدہ مدافعہ ایدن بویوک وطنی پک کورہ جکم کلدی .

رومانیادہ دول غالبہ دن اولق- ایچون اعلان حرب ایدوبدہ دول غائبہ دن اولانلرہ التحاق ایتدی . تقسیم غرما [۱] ایدیلیور . استانبولہ یقیندہ میراث یدی اولہ جق انشاہ .

ناصیہ بلندیکی تقبیل ایدہ رک سکا و حرم محترمکہ عرض اخوت و حرمت ایدہ رم بویوک برادرم ایتدم .

سفرانی

آدرس

Villa Belle Vue,
Veytaux - Chillon,
Suisse .

[۱] معناسنی بیلورم اما املاسنی پک بیلورم .